

石湖詩集
范志道集
注集



1000

1000

1000

1000

1000

1000

1000

1000

1000

1000

1000

20094

石

湖

詩

集

范成大著

中華書局

叢書集成初編

石湖詩集（及其他二種）

中華書局出版發行

（北京王府井大街三十六號）

秦皇島市資料印刷廠印刷

一九八五年北京新一版

開本：七八七乘一〇九二毫米三十二分之一

統一書號：一七〇一八·一五一

石湖詩集

此據詩詞雜俎本
影印初編各叢書
僅有此本

序

范文穆公田園雜興詩六十首今見公集中此則
公之手蹟爲御史盧君師邵所得師邵景仰鄉賢
手摹是詩刊寘石湖書院公詩自有序謂作於淳
熙丙午攷之宋史公傳歲月脫略惟郡志載公淳
熙五年拜叅知政事兩月出知婺州奉祠歸起知
明州尋除端明殿學士擢江東安撫使兼行宮留
守知建康府以病請閑詩當作於其時後三年加

大學士明年而公薨矣後之論者乃謂孝宗欲相
乎公以其不知稼穡之艱命遂中止公聞之因賦
此以見意蓋未爲知公者也公詩在南宋與同郡
陸游廬陵楊萬里錫山尤袤號四大家爲天下所
宗若其字畫之妙殆又公之餘事此卷流落郡中
觀其題識知爲盧氏家藏而今復歸之師邵豈偶
然哉豈偶然哉正德十六年辛巳八月朔旦太僕
少卿鄉後學都穆敬書

叙

盧侍御師邵旣作文穆公祠欲求公遺墨刻之祠
中未得也聞公嘗爲田園雜興詩以寄其同年撫
州使君和仲刻之臨川學宮亦已燬於火庚辰
冬客有自浙東攜一卷來者初亦不知其爲貴識
者觀之曰文穆真蹟也出入蘇黃典刑有在侍御
聞百方購得之見其復有盧氏家藏四字益驚且
喜曰豈故吾家物乎四字下有印章二一漫漶不

可復辨一曰建武軍節度使之印宋世州刺史建
節者稱節度使是卷豈卽和仲家藏和仲豈亦盧
姓乎未可知也獨念茲卷始藏盧氏復數百年兵
火亂離幾經變故而以歸焉復歸之盧氏其不有
數乎豈文穆冥冥之中來歆廟祀鑒侍御之誠特
以其家故物完璧歸之乎乃手摹入石嵌之祠之
壁辛巳五月王鏊謹題

石湖詩集

桺花深巷午雞聲桑葉尖新綠未成坐睡覺來無
一事滿窗晴日看蠶生

土膏欲動雨頻催萬草千花一餉開舍後荒畦猶
綠秀隣家鞭筍過牆來

高田二麥接山青傍水低田綠未畊桃杏滿村春
似錦踏歌椎鼓過清明

老盆新熟土茅柴攜向田頭祭社來巫媪莫嫌滋

味薄旗亭官酒更多灰

社下燒錢鼓似雷日斜扶得醉翁迴青枝滿地花
狼藉知是兒孫鬪草來

騎吹東來里巷喧行春車馬鬧如煙繫牛莫礙門
前路移繫門西碌碡邊

寒食花枝插滿頭舊幫青袂幾扁舟一年一度遊
山寺不上靈巖即虎丘

郎裏人家拜掃迴新開醪酒薦青梅日長路好城

門近借我茅亭喚一盃

步屨尋春有好懷
雨餘蹄道水如盃
隨人黃犬挽前去
走到谿橋忽自迴

種園得果塵償勞
不奈兒童鳥雀搔
已插棘針樊筍
徑更鋪魚網蓋櫻桃

吉日初開稻種包
南山雷動雨連宵
今年不欠秧田水
新漲看又拍小橋

桑下春蔬綠滿畦
菰心青嫩芥臺肥
谿頭洗擇店

頭賣日算裹鹽沽酒歸

右春日田園雜興十二絕

紫青萼葉卷荷香
玉雪芹芽拔薤長
自擷溪毛充晚供
短篷風雨宿橫塘

湖蓮舊蕩藕新翻
小又荷錢沒漲痕
斟酌梅天風浪緊
更從外水種蘆根

胡蝶雙又入菜花
日長無客到田家
雞飛過籬犬吠竇
知有行商來賣茶

蒲葦水滿萊蘋洲上已微寒嬾出遊薄葦蛙聲連

曉開今年田稻十分秋

吳下占上已蛙鳴則無水災

新綠園林曉氣涼晨炊蚤出看移秧百花飄盡桑
麻小夾路風來阿魏香

三旬蠶忌閉門中隣曲都無步往蹤猶是曉晴風
露下采桑時節暫相逢

汗菜一稜水周圍歲又蠋廬段半扉不著菱青難
護岸小舟撐取葑田歸

茅針香輒漸包茸
蓬蘽甘酸半條紅
采又歸來兒女笑
杖頭高挂小筠籠

穀雨如絲復似塵
煮瓶浮鴈正嘗新
牡丹破萼櫻桃熟
未許飛花減却春

雨後山家起較遲
天窗曉色半熹微
老翁欹枕聽鶯囀
童子開門放燕飛

梅雨江風浪作堆
時新魚菜逐春迴
荻芽抽筍河豚上
楝子開花石首來

烏鳥投林過客稀
前山煙暝到柴扉
小童一棹舟如葉
獨自編欄鴨陣歸

右晚春田園雜興十二絕

梅子金黃杏子肥
麥花雪白菜花稀
日長籬落無人過
惟有蜻蜓蛺蝶飛

五月江吳麥秀寒
移秧披絮尚衣單
稻根科斗行如鬼
田水今年一尺寬

二麥俱秋斗百錢
田家喚作小豐年
餅爐飯甑無

飢色接到西風襲稻天

百沸綠湯雪湧波
綠車嘈噴雨鳴蓑
桑姑盆手交相賀
綿繭無多線繭多

小婦連宵上絹機
大耆催稅急於飛
今年幸甚蠶桑熟
留得黃絲織夏衣

下田岸水出江流
高壟翻江送上溝
地勢不齊人力盡
丁男長在踏車頭

晝出耘苗夜績麻
村莊兒女各當家
童孫未解供